

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Exercitatio theologica de fragrantia Christi quam ex 2.
epist. ad Corinth. 2, 15.16**

**Buddeus, Johann Franz
Naumann, Tobias Gottfr.**

Ienae, 1712

VD18 11426357-001

§. VI.

[urn:nbn:de:bsz:31-130634](#)

sine emphasi. *'Ewōdīa enim per se iam denotat odorem suauem, bonum, gratum, cuncte late, & maximo sensu sese diffidentem. Accedente ergo voce ὄσμῃ, quae alias vocabulum μέστον est, designatur odor benefragrans.

§. VI. Vociis odoris, in scripturis varia ac multiplex est acceptio, tam in bonam, quam in malam partem; sed eam omnem hic enarrare, superuacaneum valde foret, & a scopo remotum. Potiores significaciones recenset Matthias Flacius. ** Vociis ἐυωδίας tantum acceptiones indicabimus, quae ad nostrum faciunt institutum. Omnia primo & praecipue usurpat vox ἐυωδία a LXX. interpretibus de sacrificiis D E O oblatis, quae igne consumebantur. In eorum enim accensione odor omnino redolebat, qui non adeo quidem gratus, quin potius molestus erat, obfoetorem, quem carnes accensae alias exhalabant. Vnde ob longe alium respectum, odor ille, suavis dicendus erit. Neque enim in

toto

* Vid. Glassius in *Gram.* S. l. 3. tratt. I. cap. XXXII, p. m. 461. Celeberrimus Danzius noster, in interprete §. 18.

** In clave sua, sub voce *odor*.

toto veteri testamento vbi de sacrificiis comburendis, quae vel quoad totum, vel partem, igni immolabantur, vlla ferme fit mentio, vbi non appositam inuenies formulam וְנִיחוֹת לֵיזָה vel cum praefixo (ל) *In fragrantiam s. odorem acquiescentiae Domino*, seu ut Luthe-
rus vertit: *zum süßen Geruch dem HERRN.*
Legitur v. c. (α) de *HOLOCAVSTI* sacrificio,
quod ex armentis, bobus puta, vitulis, ouibus,
capris & turturibus constabat, *Leu. I. 9. 13. 17.* &
totum igne consumebatur, vt esset typus veri &
vnici illius propitiatorii sacrificii, quod Christus
in ara crucis exaltatus, & caritatis igne succen-
sus, Patri suo coelesti obulit, in odorem suaui-
tatis. (β) de *MINCHA*, quae ex farina, oleo
& thure constabat, cuius partem sacerdos ca-
piebat, *cap. II. 2. 9.* (γ) de *eucharisticis sive PACI-
FICIS*, quae erant gratitudinis, pro beneficiis
acceptis declarandae, symbola, & ex bobus, ouib-
us & capellis constabant, *cap. III. 16.* (δ) (ε)
(δ) de sacrificiis *PRO PECCATIS*, expiatoriis
vulgo dictis, quorum oblatione peccata expia-
bantur, & *DEVS* placabatur, non vi propria
innata, sed vi meriti Christi, cuius erant typi;
cap. IV. 31. Quamuis autem ubique, in sacri-
ficio-

fiorum recensione, hanc formulam repetitam esse, non animaduertimus, sufficit tamen probasse, omnia sacrificiorum genera hanc obsignasse formulam, vnde ad reliqua nunc colligere licebit. Quemadmodum autem, omnia a DEO instituta sacrificiorum genera, Messiam, qui in dierum extremitate venturus, & Deo se victimam, ad expianda, hominum peccata, traditus erat, respiciebant; ita quoque (2) ἐνωδία de hoc noui testamenti sacrificio expiatorio dicitur, *Eph. V.3.* (3) speciali quadam ratione de EVANGELIO, eiusque MINISTERIO, quod Christum crucifixum, praedicat, dicitur *II. Cor. II. 15. 16.* (4) usurpatam videbis vocem de beneficiis sive eleemosynis in egenos collatis, *Phil. IV. 18.*

§. VII. In paginis veteris testamenti vocabulo ἐνωδίας, respondet ריח ניחוח odor acquiescentiae, sive quietis. Hinc etiam hanc formulam LXX. interpretes vbius per ὁσμὴν ἐνωδίας verterunt, nec sine pondere. Indicat enim Deum, qui grauissime peccatis offensus erat, unico sacrificio Messiae, quod ipsi odorem acquiescentiae praebet, reconciliatum esse. Sic *Gen. VIII. 2.* de Noae sacrificio, quod post dilu-

B uium